



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. IV. Vtrum possilitas claræ Dei visionis, sit demonstrabilis solo lumine
naturæ?

[urn:nbn:de:hbz:466:1-77232](#)

ARTICVLVS IV.

Vtrum possibilis clar. Dei visionis, sit demonstrabilis solo lumine naturae?

§. I.

Quibusdam premisis, negat. e. concluditur.

63. **C**ertum & indubitatum est apud omnes, beatifica visionis existentiam, aut futuritionem, non posse lumine naturali demonstrari, quia cum illa sit creatura intellectuali indebita, subindeque ex sola Dei voluntate dependens, sola ipsius revelatione potest certe cognosci. Unde Isaiae 64. dicitur: *Oculus non vidit Deus, absque te, que preparasti expectantibus te.*

Certum etiam est, non posse evidenter ostendti beatifica visionis impossibilitatem; tum quia falsum non potest evidenter ostendti: tum etiam, quia argumenta qua contra ejus possibilitem fieri possunt, solubilia sunt, & supra ab omnibus proposita & soluta. Quod ergo vertitur in controversiam, est an illius possibilis possit lumine naturali evidenter demonstrari? Scotus enim in 4. dist. 49. quest. 8. & Vazquez 1. 2. dist. 20. cap. 2. partem affirmantem tenent, alij vero negantem, cum quibus

64. Dico: possibiliter visionis Dei ut est in se, solo lumine naturali demonstrari non posse, aut evidenter cognosci.

Probatur primo ex Augustino libro 13. de Trinitate, cap. 8. & 9. ubi loquens de vera beatitudine, ait: *Hanc utrum capiat humana natura, quam tamen desiderabilem confitetur, non parva quaestio est. Sed si fides adstet, nulla quaestio est. Humanis quippe argumentationibus bac invenire conantes, rix pauci abundant prædicti ingenio, abundantes otio, do trinique subtilissimis eruditæ, ad indagandam solum anime immortalitatem, pervenire potuerunt: qui tamen animæ beatam vitam non invenerunt stabilem, id est veram. Quibus verbis in primis satis aperte declarat impossibilitatem pervenienti ad perfectam cognitionem supernaturalis beatitudinis, solo lumine naturæ. Deinde argumentum à posteriori satis efficacis insinuat: Si enim possibilis beatitudinis supernaturalis, esset evidenter cognoscibilis ex principijs naturæ, illam absque dubio aliquis ex tot antiquis Philosophis, præstanti ingenio præditis, fuisse asseditus: Sed ex Augustino beatitudinem supernaturalem prouersus ignorarunt: Ergo signum est eam solo lumine naturæ non esse cognoscibilem.*

65. Probatur secundò conclusio ex D. Thoma 1. 2. quest. 109. art. 1. ubi haec scribit. *Intellectus humanus habet aliquam formam, scilicet ipsum intelligibile lumen, quod est de se sufficiens ad quadam intelligibili cognoscenda, ad ea scilicet in quorum notitiam per sensibilia possumus pervenire: altiora vero intelligibili intellectus humanus cognoscere non potest, nisi fortiori lumine perficiatur, sicut lumine fidei, vel prophetæ, quod dicitur lumen gratie, in quantum est naturæ superadditum. Ex quo potest tale confici argumentum. Intellectus humanus ex suo lumine naturali non potest pervenire ad cognitionem nisi eorum qua per effectus sensibiles cognosci possunt, & ex ipsis colligi: Sed ex effectibus sensibilibus non potest colligi visio beata: Ergo ejus possibilis non potest lumine naturali cognosci.*

A Major patet, Minor probatur. Ex effectibus sensibilibus non potest evidenter colligi nisi illud quod habet necessariam connexionem cum ipsis: Sed visio beata non habet necessariam connexionem cum sensibilibus: Ergo ex illis colligi nequit. Minor probatur: Supernaturalia non habent necessariam connexionem cum effectibus naturæ: Sed visio beata est aliquid supernaturale, ut suprà ostensum est, sensibilia vero sunt quidam effectus naturæ: Ergo ex effectibus sensibilibus non potest cognosci visio beata. Major in qua solum posset esse difficultas, est nihil omnino certa: Supernaturalia enim intantum dicuntur supernaturalia, in quantum excudent totum ordinem naturæ: Sed non transcedent totum naturæ ordinem, si haberent necessariam connexionem cum effectibus naturæ, ut de se patet: Ergo &c.

Probatur tertio: Omnis demonstratio vel est à posteriori per effectum connexionem cum causa, vel à priori per causam continentem effectum: At nullo ex his modis possibilis visionis beatæ demonstrari potest: non quidem à posteriori, cum visio beata nullum effectum producat cum illa connexionem; nec à priori, omnis enim demonstratio à priori debet esse per causam proximè continentem effectum: At causa proxima visionis non est intellectus nudè sumptus, sed lumine gloria perfulus & confortatus, ut infra dicemus; unde intellectus, ut sic actuatus, debet evidenter cognosci, ut à priori demonstretur possibilis visionis beatæ: Sed hoc impossibile est naturaliter: Ergo possibilis visionis beatæ, solo lumine naturæ demonstrari nequit.

Confirmatur: Visio beata non connectitur cum potentia naturali intellectus humani, sed solum cum potentia obedientiali: At potentia obedientialis, cum Deum ut authorem supernaturalis, & vires totius naturæ transcendentem respicit, lumine naturali evidenter cognosci non potest; alias viribus naturæ cognosci posset potentia obedientialis humana naturæ, ut terminetur per subsistentiam Dei, subindeque possibilis incarnationis, quod Theologi in Tractatu de Incarnatione communiter regnant: Ergo idem quod prius.

Denique suaderi potest conclusio ratione quam insinuat D. Thomas super cap. 2. epist. 1. ad Corinthios. Nequit demonstrari possibilis finis, nisi possit evidenter sciri possibilis mediorum, quia finis non est consequibilis nisi per media: Sed possibilis mediorum ad claram Dei visionem conducentium, nimurum gratia, fidei, spei, & charitatis, solo lumine naturali, evidenter cognosci nequit; cum enim haec sint supernaturalia, captum luminis naturalis transcendunt: Ergo nec visionis beatæ possibilis.

Neque valet responsio Vazquez dicentis ad cognoscendam evidenter visionis beatæ possibilitem, non esse necessarium cognosci in particulari media à quibus dependet, sed vagè tantum & in communi. Non valet inquam: nam sicut beatitudo in communi respicit media in communi, ita beatitudo sumpta in particulari, ab his medijs & principijs in particulari essentialiter dependet: At omne cognoscibile ab ejusdem causa dependet quoad cognosci cognitione à priori, à quibus dependet in esse: Ergo licet cognitionem mediorum in communi, sufficiat ad cognitionem evidenter beatitudinis in communi, ad notitiam tamen evidenter beatitudinis speciatim

66

67

68

69

DE POSSIBILITATE VISIONIS DEI. 125

sumpta, scilicet supernaturalis, qualis est visio beatifica, requiritur cognitio mediorum in particulari, à quibus essentialiter dependet: nimurum gratia sanctificantis, fidei, spei, charitatis, &c.

§. II.

Solvuntur objectiones.

70. **O**bijies primò cum Scoto: Evidens est lumine naturali, intellectum creatum posse cognoscere quidquid continetur intra ejus objectum adæquatum: Sed eodem lumine naturali constat, Deum clare vistum contineret sub objecto adæquato intellectus creati, quod, ut suprà diximus, est ens in communi, ut abstractus à creato & increato, à naturali & supernaturali: Ergo lumine naturali evidens est, Deum posse ab intellectu creato videri, ut in se est.

71. Respondeo primò: negando Minorem. Non est enim evidens lumine naturali, objectum adæquatum intellectus esse ens in communi, prout abstractus à naturali & supernaturali, cùm lumine naturali non possit cognosci, dari aliquid ens supernaturalis. Unde quamvis Deus clare visus, re verà sub illo contineatur, hoc tamen solo lumine naturali demonstrari nequit.

Respondeo secundò: Quod quamvis lumine naturali esset evidens, ens ut sic secundum rationem communem sua analogia, esse objectum adæquatum intellectus creati, nihilominus nequit inde evidenter concludi, ac demonstrari possibilis visionis beatifica; quia ad hoc salvandum, non est necesse quod intellectus creatus possit attingere Deum ut in se est, & cognitione clara & intuitiva, qualis est visio beatifica: Sed satis est quod abstractivè aut alio modo imperfectori, sit ab illo cognoscibilis.

72. Instat Scottis: Lumine naturali evidens est perfectionem convenientem potentiae inferiori, posse competere superiori, si ambae ad idem genus pertincent: Sed attingere intuitivè omnia objecta contenta sub objecto specificativo potentiae, competit potentias cognoscitivis intellectui inferioribus, nimirum visui, auditui, & aliis sensitivis potentias: Ergo evidens est, id etiam posse convenire intellectui.

Confirmatur: Nulla est repugnantia quod intellectus adjuvet, seu eleverit ad cognoscendum Deum ita perfectè sicut alia objecta; & consequenter, si ista potest intuitivè cognoscere, Deum etiam poterit clare & intuitivè videre.

73. Ad instantiam respondeo negando Majorem, multæ enim perfections competit inferiori aliquis generis, qua superiori competere nequeunt: nam celo convenient incorruptibilitas, qua tamen homini qui celo est superior non competit: habitui primorum principiorum convenient evidentia, fidei tamen, qua superior est, non convenient. Et ratio est in promptu, licet enim talis perfectio superiori non convenient, potest tamen illi convenire alia major perfectio, per quam alia ejusdem generis inferiora excedat; & sic contingit in proposito, nam posse Deum abstractivè attingere, & omnia objecta sensuum abstractivè & intuitivè, longè majus est quam ad objecta sensibilia intuitivè attingenda alligari: primum autem convenient intellectui, secundum sensibus.

74. Ad confirmationem dicatur in re ita esse, sed non evidenter demonstrari quod talis repugnatio non sit; unde si aliquis protervè contendere

A talem repugnantiam dari, ex principiis naturæ non posset evidenter convinci. Potestque contra hunc discursum fieri manifesta instantia: Angelus enim omnia objecta que sunt infra Deum comprehensivè cognoscit, & tamen ex hoc non licet inferre nullam esse repugnantiam, ut elevetur à Deo ad ipsum comprehensionem: Ergo Major illius discursus evidens non est, posset enim aliquis respondere exigi infinitam virtutem ad attingendum Deum clare in seipso, qui sic respondens non posset evidenter convinci ex principiis naturæ.

Objicies secundò: Qui comprehendit aliquam potentiam, cognoscit omnes actus, & omnia objecta ad quæ potest se extenderet: Sed Angelus naturaliter comprehendit intellectum humanum, qui est capax visionis beatifica: Ergo solo lumine naturali cognoscit, intellectum humanum ad illam posse elevari, ac proinde illam esse possibilem.

Respondeo primò, negando Majorem: Nam ad comprehensionem alicujus potentiarum sufficit quod cognoscantur in communi actus & objecta ad quæ illa potest se extenderet, nec requiritur quod talis cognitione descendat ad omnia objecta particularia, & terminetur ad omnes ejus actus in individuo: verbi gratiæ ut comprehendatur potentia visiva aquile, non est necesse cognoscere explicitè, & in particulari, omnia objecta quæ potest videre; sed sufficit cognoscere in communi, quod illa potest videre quidquid visibile est. Similiter ut Angelus comprehendat intellectum humanum, sufficit ut videat, illum posse cognoscere quidquid cognoscibile est.

Respondeo secundò: Datâ Majori, distinguo Minorem. Angelus naturaliter comprehendit intellectum humanum, secundum potentiam naturalē, concedo secundum potentiam obedientiale, nego. Homo autem, non est capax visionis beatæ, secundum potentiam naturalem, sed tantum secundum potentiam obedientiale. Unde licet Angelus naturaliter comprehendat potentiam naturalem intellectus creati, non sequitur quod in ea cognoscat possibilitem visionis beatificæ.

Dices, Potentia obedientialis identificatur realiter cum intellectu humano, & est illi essentialis: Ergo non stat intellectum humanum comprehendit ab Angelo sub conceptu differentiali, & non cognoscit ab illo sub conceptu potentiae obedientialis. Consequentia probatur, nam comprehendere est cognoscere objectum, quantum cognoscibile est: Sed non stat objectum sic cognosci, & prædicatum aliquod ipsi essentiali cognoscens late: Ergo &c.

Respondeo concessō Antecedenti, negando Consequentiam. Ad cuius probationem dicatur duplēcē esse comprehensionem, alteram quæ est tantum talis absolute & omnibus modis; alteram quæ est tantum talis in determinato genere: primam non potest aliquod objecti prædicatum latere, secundam vero nullum ex illis quæ sp̄tant ad genus in quo est comprehensionis: Angelus autem comprehendit intellectum humanum comprehensione naturali, & ideo nullum prædicatum naturaliter cognoscibile, potest ipsū latere; non vero comprehendit illum comprehensione adæquatā in omni genere, ideoque potentia obedientialis quæ non est naturaliter cognoscibilis, ejus cognitionem subterfugere potest.

Ex dictis inferes, etiam supposita fide & divinâ revelatione, non posse naturali ratione demon-

Tom. I.

Q iij

75.

76.

77.

78.

79.

80.

126 DISPUTATIO PRIMA

Strari visionis beatificæ possibilitatem ; illa tamen supposita, demonstratione Theologica, ejus possibilitatem posse ostendi.

Prima pars hujus corollarij patet ex dictis, Nam adhuc revelatione supposita, non potest naturalis ratio nisi causas & effectus naturales cognoscere : At ex illis nequit evidenter cognosci possibilis visionis beata, ut supra ostensum est : Ergo etiam revelatione supposita, ratione naturali demonstrari nequit.

Quod vero Theologicè demonstrari possit, etiam constat, nam haec demonstratio Theologica est : Propensio innata, sive naturæ sit, sive gratia, ad impossibile terminari nequit : At homo habituali gratia prædictus, propensione innata, non naturæ, sed gratia, in supernaturalem beatitudinem tendit : Ergo illa est possibilis. In qua demonstratione Major est nota lumine naturali, Minor vero est de fide, cum gratia habitus secundum fidem, sit semen gloriae, & fons aquæ salientis in vitam aeternam, seu in illam connaturaliter tendens : Ergo conclusio qua ex illis præmissis per bonam consequentiam infertur, Theologica est.

ARTICVLVS V.

Qualis sit appetitus hominis viatoris, ad claram Dei visionem?

§. I.

Quibusdam præmissis, referuntur sententiae.

§1.

Notandum primò ex D. Thoma 1. parte quæst. 19. art. 1. duplē dari appetitum, unum innatum, alterum elicītū. Primus est inclinatio seu propensio ab Authorē naturæ indita, quæ unaquaque res, absque ulla cognitione, in suum bonum connaturale est præposta : qualis est propensio gravis in centrum, & levis in locum sursum. Secundus vero, qui propriæ rationem appetitiis habet, est actus appetendi, quo res fertur in bonum cognitum sub ratione boni, & ita procedit à speciali quadam potentia, scilicet ab appetitu sensitivo, vel rationali, quorum unus fertur in bonum sensibile, alter vero in bonum ut sic.

§2.

Notandum secundò, Appetitum elicītū adhuc duplē esse : unum efficacem & absolutum, inferentem executionem mediorum necessariam ad asecutionem boni concupiti : alium ineffacēm seu conditionatum, qui dictam executionem mediorum non fertur, & velleitas quadam appellari solet. Prior significatur per verbum *yolo*, posterior per verbum *yellem* : ille fertur in rem solūm possibilem haberi, iste vero etiam ad impossibilia se extendit.

§3.

Notandum tertio, Appetitum elicītū alium esse necessarium quoad specificationem & exercitium simul, ut in brutis circa bonum conveniens apprehensum, & in beatis circa Deum clarè visum : alium vero esse necessarium tantum quoad specificationem, qualis est actus appetendi beatitudinem in communi, nam licet homo naturaliter inclinetur ad bonum seu beatitudinem in communi, non necessitatim tamen ad eliciendos semper actus amoris circa hujusmodi bonum, sed interdum eos suspendere potest. His præmissis.

§4.

Difficultas & controversia est inter Theologos,

A quoniam appetitu feratur homo in claram Dei visionem : Scotus enim in 4. dist. 49. quæst. 10. Durandus ibidem quæst. 8. & Valentia 1. 2. quæst. 5. art. 8. disp. 1. punctione 1. docent in natura intellectuali, secundum se considerata, esse appetitum innatum ad claram Dei visionem, prout est in se trinus & unus. Vazquez autem 1. 2. disp. 22. Suarez libro 2. de attrib. negat. cap. 7. num. 10. & 11. & alij ex recentioribus volunt esse in natura intellectuali appetitum, non quidem innatum, sed elicītū, saltē conditionatum & inefficacem, necessarium tamen quoad conditionem, ad eandem Dei visionem, prout est in se trinus & unus, sive prout est Author tam naturæ quam gratia. Pro resolutione, sit

§. II.

Tripli conclusione difficultas proposita resolvitur.

Dico primò: Non datur in homine secundum se considerato, seu fide & gratia destituto, appetitus innatus ad claram Dei visionem. §5.

Probatur primò: Appetitus innatus (ut in 1. notabili diximus) est pondus quoddam naturæ in bonum sibi connaturaliter debitum : Atqui in homine secundum se considerato, nullum datur pondus naturæ, sed duntaxat potentia obedientialis, ad claram Dei visionem, cum illa non sit connaturaliter ei debita, sed superexcedens & improprietate viribus ejus naturalibus, ut ex supra dictis patet : Ergo non datur in homine secundum se considerato, seu fide & gratia destituto, appetitus innatus ad visionem beatificam. Unde D. Thomas in 4. dist. 49. quæst. 1. art. 3. quæst. 1. 3. Quamvis ex naturali inclinatione voluntas feratur in beatitudinem, secundum communem rationem, tamen quod feratur in beatitudinem talem vel talem, non est ex inclinatione naturæ, sed per discretionem rationis quæ ad invenit in hoc vel in illo summum bonum hominis constare.

Confirmatur & magis illustratur haec ratio : §6. Appetitus innatus est à Deo ut Authorē naturæ, & infundente formam naturalem : Sed appetitus visionis claræ Dei, non potest esse ab Authorē naturæ : Ergo non potest dati appetitus innatus ad illam. Major patet, Minor probatur primò. Appetitus à Deo ut Authorē naturæ inditus, solūm tendit in Deum ut finem naturalem, nam ut communiter dicitur, *juxta ordinem agentium, est ordinis finis* : Atqui Deus, ut clarè visus, non est finis naturalis, sed supernaturalis : Ergo appetitus visionis claræ Dei non potest esse à Deo ut Authorē naturæ, sed solūm ut largitore gratia & aliorum donorum supernaturali.

Secundò eadem Minor suadetur: Author naturæ non dat appetitum quem non possit explere: Sed Deus ut Author naturæ, non potest explere aut quietare appetitum visionis beatificæ : Ergo nec illum tribuere. Minor patet, natura enim, sive potius Author naturæ, nihil facit frustra: faceret autem aliquid frustra, si dare appetitum ad aliquid ad quod non posset perducere. Unde Aristoteles 2. de cœlo, textu 3. docet quod si natura dedisset celis inclinationem ad motum progressivum, dedisset etiam instrumenta ad talem motum; quod etiam alibi afferit de quibusdam animalibus imperfectis, quibus natura talia instrumenta denegavit. Minor etiam non est minus evidens: Tum quia visio beatifica, cum sit